

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
Suliassat nalinnaasut
- Imm. 02** Inuit innarluutillit tapersorsorneqarnissaannut Ilitsersuut"-mmut tusarniaaneq.
- Imm. 03** Aangajaarniutinik atuisarnerup annikillisinneqarnissaanut suliniuteqartoqarnissaa pillugu siunnersuut, Qeqqata Kommunia.
- Imm.04** Maniitsumi Sisimiunilu bagvagtimumt immikkut aningaasaliissuteqartoqarnissaa pillugu qinnuteqaat pillugu paasissutissiissut
- Imm. 05** Innarluutilinnut tunngasuni inatsit nalunaarullu nutaat pillugit paasissutissiineq Qeqqata kommunia.
- Imm.06** Ataatsimiititaliamut Ilaqutariinnermullu immikkoortortamut taaguutissatut siunnersuuteqartitsinissamik unammisitsinermi aalajangiineq. Qeqqata kommunia.
- Imm. 07** Tamalaat

Ataatsimiinneq aallartippoq nal. 09:00

Peqataasut:

Atassut

Anna Karen Hoffmann, Kangerlussuaq

Siumut

Hans Frederik Olsen, Siulittaasoq, Sisimiut

Gideon Lyberth, sinniisoq, Kangerlussuaq

Inuit Ataqtigiiit

Sofie Dorthe R. Olsen, Sisimiut

Axel Lund Olsen, sinniisoq, Sisimiut

Parti Naleraq

Nalunaaruteqarlutik peqataangitsut:

Erik Jensen, Sisimiut

Juliane Enoksen, Siulittaasup tullia Sisimiut

Nalunaaruteqaratik peqataangitsut

Imm. 01 Oqaluuserisassat akuersissutigineri

Aalajangiineq

Akuersissutigineqarput.

Sapaatip kingullermik utoqqaat angerlarsimaffianut pulaarnissaq unitsiinnarsimanera ajuusaarnartoq, nammineq naapinnisaq piumariaarlugu, aammalu Utoqqaat angerlarsimaffiani sulisut annertuumik piareersarsimagaluartut. Tamanna ajuusaarutigineqarpoq

Sofie Dorthe apeqqutigaa oqaluuserisassatut siunnersuutini nassiutereersimagaluarlugu sooq ilanngunneqarsimannnginnersoq. Sulisoqarnermut tunngavoq. Peter Evaldsen-imut apeqqutigineqassaaq immaasinnaavorli aamma Bertha Dalager ingerlateqqinneqarsimariaannaalluni. Tamanna paasiniarneqassaaq.

Anna Karen apeqqutigaa sooq nal. 10.00 aatsaat ataatsimiinneq aallartinnersoq. Akineqarpoq virksomhedsbesøg-mi pisoqartittussaatiillugu nal. 10.00 aallartittartoq. Nalinginnaasumillu nal. 09.30 aallartittarlutik

Imm. 02 Inuit innarluutillit tapersorsorneqarnissaannut Ilitsersuut"-mmut tusarniaaneq.

Journalnr. 47.00

Tunuliaqutaq

"Inuit innarluutillit tapersorsorneqarnissaannut Ilitsersuut"-mmut tusarniaanermik Isumaginninnermut, Inatsisinillu Atuutsitsinnermut Naalakkersuisoqarfiup 2019-imi decembarip 20-ni nassiussivoq. Tusarniaanermi oqaaseqaatit Naalakkersuisoqarfimmut kingusinnerpaamik 2020-mi januaarip 31-ni nassiunneqassapput.

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq, Inatsisartunit akuersissutigineqarpoq. Ilitsersuut inatsimmut 2020-mi januaarip aallaqqaataani atuutilersumut attuumassuteqarpoq.

Maleruagassatigut tunngavigisaaq

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq.

Pissutsit atuuttut

Sisimiuni Ilaqtariinnermi pisortaaq, Maniitsumi Ilaqtariinnermut pisortaagallartoq, Sisimiuni Maniitsumilu Innarluutilinnut immikkoortortami imikkoortortami aqutsisut pisortaanerullu sulisua, ilitsersuut ilanngussarlu eqqartorlugit ataatsimiipput. Tamanna tunngavigalugu Atugarisaarnermut ataatsimiititaliamit ilanngussat ilanngullugit, Qeqqata Kommuniata tusarniaanermut akissutaa suliarineqarpoq.

Tusarniaanermut akissutissatut siunnersuummik tullinnguuttumik Ilaqtariinnermut immikkoortortaaq ilusilersuinikuvoq:

"Inuit innarluutillit tapersorsorneqarnissaannut Ilitsersuut Qeqqata Kommunianit ilalernerqarpoq. Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq naapertorlugu kommunimut atorneqarsinnaavoq. Innarluutilinnut immikkoortortami suliaqarnermi ilitsersuut Qeqqata Kommunianut paasinartumik erseqqissumillu ujarlerfissatut atorneqarsinnaassaaq.

Ilanngussani skabelonit nassiussat Qeqqata Kommunianit iluarisimaarneqarput, taakkulu sullisseriaatsimut tulluarsarneqassallutik.

Innarluutillit pineqaatissineqarlutik inissinneqarsimasut pillugit sullissinissamut saaffiginninnissamillu periarfissanut ilitsersuutinik, ilitsersuummi Qeqqata Kommunia amigaateqarpoq."

Atuilluartuunissakkut kingunerisinnaasai

Innarluutilinnut Immikkoortortami ilitsersuutip skabilonillu inatsip nutaap atuutilersinnissaanut atatillugu atorneqarnissaat, Ilaqtariinnermut Immikkoortortap ilalernartippaa. Illoqarfiit akornanni assigiissaarinnermut kiisalu qularnermik apeqqutinik ikilisaanermut peqataassaaq, tamannalu Ilaqtariinnermut Immikkoortortami atuilluartumik ingerlalermermik kinguneqassalluni.

Aningaasaqarnikkut allaffissornikkullu kingunerisinaasai

Ilitsersuut aningaasatigut allaffissornikkullu annertunerusumik allannguuteqartitsissanngilaq.

Allaffeqarfiup naliliinera

Sisimiuni Maniitsumilu Ilaqutariinnermi Immikkoortortat naliliipput, ilitsersuut nutaaq Innarluutilinnut Immikkoortortamik nukittorsaallunilu sullissinermik assigiissaarnerusumik pilersitsissasoq.

Innersuussut

Ilaqutariinnermut immikkoortortap Atugarissaarnermut ataatsimiititaliamut innersuussutigaa

- ”Inuit innarluutillit tapersersorneqarnissaannut Ilitsersuut”-mmut annertunerusumik oqaaseqaateqartoqassasoq.
- ”Inuit innarluutillit tapersersorneqarnissaannut Ilitsersuut” pillugu Ilaqutariinnermut Immikkoortortamit tusarniaanermut akissutissatut siunnersuut akuersissutigineqassasoq.

Aalajangiineq

Innersuussut akuersissutigineqarpoq. Ilanngullugu kissaatigaat meeqqanut inuusuttunullu sullissisut aggersarneqassasut uunga inatsimmut tunngatillugu eqqartueqatigiinnissamut.

Ilanngussat

1. Inuit innarluutillit tapersersorneqarnissaannut Ilitsersuut

**Imm. 03 Aangajaarniutitik atuisarnerup annikillisinneqarnissaanut
suliniuteqartoqarnissaa pillugu siunnersuut, Qeqqata Kommunia.**

Journalnr. 48.02.03

Tunuliaqutaq

Aangajaarniutitik atuisarnerup annikillisinneqarnissaanut suliniutitik aallartitsisoqarnissaa pillugu kommunalbestyrelsimi ilaasortamit Sofie-Dorthe Olsen siunnersuut 2019-imi decembarip aappaani ilinniartitaanermut ataatsimiititaliap ataatsimiinnermini suliarivaa.

Ataatsimiinnermi tassani aalajangiunneqarpoq, Qeqqata Kommuniani atuarfinnut tamanut angalasartussanik maligassiusoqarluni suliamik aallartitsinissamik ilinniartitaanermut immikkoortortap iluani aallartitsisoqassasoq, kiisalu sulinermi pitsaaliuisut ilanngutsinneqassasut.

Qinnuiginnissut 2019-imi decembarip qulingani Ilaqutariinnermut immikkoortortami tiguneqarpoq.

Maleruagassatigut tunngavigisag

Isumaginninnermut immikkoortumi oqaaseqaatissaqanngilaq

Pissutsit atuuttut

Ilinniartitaanermut ataatsimiititaliaq aalajangiinikuuvoq, Qeqqata Kommuniani atuarfinnut tamanut angalasartussanik maligassiusoqarluni suliasamik aallartitsisoqassasoq, kiisalu sulinermi pitsaaliuisut ilanngutsinneqassasut, aammalu taamaattumik qinnuiginnissut Ilaqutariinnermut immikkoortortamut ingerlateqqinneqarluni.

Atuilluartuunissakkut kingunerisinaasai

Oqaaseqaatissaqanngilaq.

Aningaasaqarnikkut allaffissornikkullu kingunerisinaasai

Suliatut saqqummiussami ilanngussatut ilanngunneqartumi, ilinniartitaanermut immikkoortortami aningaasartuutitassaqarpoq.

Allaffeqarfiup naliliinera

Kommunip atuarfiinut tamanut angalasarnissamut suliniummi pitsaaliuisut ilaatinneqarnissaannik siunnesuut pitsaasusooq Ilaqutariinnermut immikkoortortaq isumaqarpoq.

Maniitsumi Sisimiunilu pitsaaliuisut ukiuni kingullerni arlaleriarlutik "Hash naaggaarpara"-mik suliniummik suliaqarnikuupput, taamaattumillu pitsaaqutaassaaq, kommunip atuarfiinut tamanut angalasarnermi suliniummut tassunga pitsaaliuisut ilaatinneqarnissaat.

Innersuussut

Ilaqutariinnermut immikkoortortap Atugarissaarnermut ataatsimiititaliamut innersuussutigaa

- Kommuniip atuarfiinut tamanut angalasarnissamik pilersaarusionermik aallartitsilluni sulinermi pitsaaliuisut ilaatinneqarnissaat pillugu aalajangiisoqassasoq

Aalajangiineq

Innersuussut akuersissutigineqarpoq, ilanngullugu siunnersuutigineqarluni angalanissamut ikiaroomartumik atuisuusimasunik arnaq angullu peqataasoqarsinnaanera innersuussutineqarluni.

Ilanngussat

1. 2019-imi decembarip aappaani Ilinniartitaanermut ataatsimiititaliap ataatsimiinneranit imaqarniliaq kal aamma da

Imm. 04 Maniitsumi Sisimiunilu bagvagtimut immikkut aningaasaliissuteqartoqarnissaa pillugu qinnuteqaat pillugu paasissutissiissut

Journalnr. 42.00

Tunuliaqutaq

Nalinginnaasumik ulluinnarni sulereernerup kingorna sapaatillu akunnerisa naanerini isumaginninnikkut pigaartumut bagvagtimullu vagtiunissamut pilersaarummik Qeqqata Kommuniiani Ilaqutariinnermut immikkoortortami Meeqqanut Ilaqutariinnullu immikkoortumi aaqqissuussaqqarpoq.

Isumaginninnikkut pigaartumut taamaallaat sapaatit akunnerisa naanerini bagvagteqartarpoq. Sapaatit akunnerisa naanerattulli ataasinngornermiit tallimannngornermut bagvagtimut pisariaqartitsisoqartorujussuusoq paasinarsimmat, sapaatip akunnera tamakkerlugu bagvagteqartalerniassamat, ataasinngornermiit tallimannngornermut isumaginninnikkut vagtimut bagvagtimut ukiumut 266240,00 koruuninik immikkut aningaasaliissuteqartoqarnissaa pillugu qinnuteqartoqarpoq.

Maniitsumut Sisimiunullu ukiumut katillugit 266.240,00 koruuninik aningaasartuutaanerussa, aammalu 2020-mi martsimiit decembarimut aningaasat 220.160,00 koruuninik annertussuseqassapput.

Taamatullu aamma immikkut qinnuteqaatigineqarlutik missingersuutit ukiunut 2021-2023 266.240,00 koruuninik annertussuseqartunik.

Maleruagassatigut tunngavigisaaq

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq § 15 aamma § 16, Nalinginnaasumik nalunaaruteqartussaataaneq.

§ 15. Meeqqap ingerlalluarneranik, peqqissusianik ineriartorneranilluunniit navianartorsiorititsisumik meeqqap inuunermi atugaqarneranik innuttaasoq kinaluunniit ilisimasaqaleruni kommunalbestyrelsimut nalunaaruteqarnissamik pisussaaffeqarpoq.

Imm. 2. Sapaatip akunnera qaangiutsinnagu nalunaarutiginninneq tiguneqarpat kommunalbestyrelse innuttaasumut allakkatigut ilisimatitsissaaq nalunaarutiginninneq tigusimallugu.

Nalunaaruteqarnissamut pisussaaffik sakkortunerusoq

§ 16. Innuttaasoq kinaluunniit isumaginnittoqarfimmi, atuarfeqarfimmi peqqinnissaqarfimmiluunniit kiisalu ulluunerani paaqqinnittarfinni sulisunut sulinerminut atatillugu Inatsisartut Inatsisaat una malillugu meeqqamik ikiorserneqarnissamik pisariaqartitsisumik ilisimasaqaleruni, kommunalbestyrelsimut ingerlaannartumik nalunaaruteqarnissaminut sakkortunerusumik pisussaaffeqarpoq. Taamatuttaaq nalunaaruteqartussaataanermut pisussaaffik innuttaasunik qinikkanik imaluunniit inuiaqatigiinnik sullissinermik tunngaveqartumik suliaqartunut atuuppoq.

Imm. 2. Aammattaaq imm. 1 malillugu nalunaaruteqartussaataaneq aammattaaq atuuppoq sulisoq paasisaqqarpat pasitsaassaqqarpalluunniit angajoqqaanngortussat immikkut ikiorserneqarnissamik pisariaqartitsisut, tak. § 26.

Imm. 3. Sapaatip akunnera qaangiutsinnagu nalunaarutiginninneq tiguneqarpat kommunalbestyrelse sulisumut nalunaarutiginnittumut allakkatigut ilisimatitsissaaq nalunaarutiginninneq tigusimallugu.

Pissutsit atuuttut

Meeqqat inuusuttullu eqqarsaatigalugit Qeqqata Kommunianni Ilaqutariinnermut immikkoortortami ulluinnarni nalinginnaasumik sulinerup kingorna kiisalu sapaatit akunnerisa naanerini isumaginninnikkut vagteqartarpoq, taakkulu saniatigut sapaatit akunnerisa naanerini tallimanngornermiit ataasinngornermi ullaannngornissaata tungaanut bagvagteqartarluni.

Qeqqata Kommunia piffissami sivisuumi ulluinnarni isumaginninnikkut vagtimut bagvagteqarnikuunngilaq. Meeqqanut inuusuttunullu tunngatillugu iliuseqartariaqarnermut pisariaqartitsisoqartillugu, isumaginninnikkut vagti kisimiilluni aalajangiisinnaanngitsillugu, Maniitsumi Sisimiunilu isumaginninnikkut vagtiusut immikkoortuni aqutsisunut ulluinnarni attaveqartariaqartarsimapput. Tamatuma malitsigivaa, Meeqqanut Ilaqutariinnullu immikkoortuni immikkoortumi aqutsisut ulluinnarni sulinerup nalaani pissarsiarineqarsinnaasariaqarnerat, aammalu immikkoortumi aqutsisut pissarsiassaanngippata, pisortap tullersortii ilaqutariinnermulluunniit pisortat attaveqarfigineqartariaqarput.

Maannakkut isumaginninnikkut vagtiusumut saaffiginnittartut amerlammata ullut tamaasa bagvagteqarnissamut pisariaqartitsisoqarpoq, aammalu sapaatip akunnerata naanerineraa ulluinnansorluunniit apeqqutaatinnagu inissiinissanut pisariaqartitsisoqartarmat, Ilaqutariinnermut immikkoortortami immikkoortuni aqutsisut paarlakaallutik isumaginninnermut vagtimut bagvagtiusarput.

Ilutigitillugu paasissutissiisutigineqassaaq, ukiut kingulliit ingerlanerani meeqqanut ernumassutsit qaffariaateqarnikuupput, aammalu isumaginninnermut vagtip ataani nalunaarutiginninnerit amerlanertigut, suliffiup nalaani suliareqqinneqartussaapput.

Atuilluartuunissakkut kingunerisinnaasai

Soraareernerup kingorna meeqqanut inuusuttunullu tunngatillugu iliuseqartoqassatillugu, pisuni isumaginninnikkut vagtiusup bagvagti sapaatip akunnerisa ulluini tamani attaveqarsinnaanera atuilluartuuneruvoq.

Aningaasaqarnikkut allaffissornikkullu kingunerisinaasai

Ataasinngornermiit tallimanngornermut isumaginninnikkut vagtimut bagvagteqartalernissaa pillugu qinnuteqartoqarpoq, tassanilu 2020-mi martsip aallaqqaataaniit decembarip 31-ata tungaanut aningaasartuutaanerusussaq katillugit 220.160,00 koruuninik annertussuseqassalluni aammalu Maniitsumut Sisimiunullu ukiut tamaasa 266.240,00 koruuninik annertussuseqassalluni.

Ataasinngornermiit tallimanngornermut bagvagtimut sapaatip akunneranut akunnernik 128-nik ilasinissaq pisariaqartinneqarpoq.

	Piffissaq	Sapaatip akunneranut akunnerit amerlassusaat	Ukiumut akunnerit suliffiit	Piffissamut 01/03.-31-12/2020 aningaasartuutissat	Ukiumut immikkut aningaasartuutit	Aningaasartuutit Ukiumut katillugit 2021-2023
Maannakkut bagvagtiusumut tallimanngorneq - ataasinngorneq	16:00 – 08:00	128	6.656			266.240,00
Bagvagtimut kissaatigisaq ataasinngorneq-tallimanngorneq	16:00 – 08:00	128	6.656	220.160,00	266.240,00	
Piffissami uaniit bagvagteqassappat Ataasinngorneq – Ataasinngorneq	16:00 – 08:00	256	13.312			532.480,00

**Atugarissaarnermut Ataatsimiititaliap januar-ip 15-ani 2020-imi ileqquusumik ataatsimiinnera
01/2020 – Imaqarniliaq**

Atuiffik	Atuiffiup taaguutaa	Missingersuutit (1000)	Atuineq (1000)	Sinneri (1000)	Atuineq %-inngorlugit
Maniitsoq: 552010000- 1601010000- 122010102- 010570	Qaammammusi- kingumoortut	ERP-mi Kisitsisit peerneqarsinnaannginnamik massakkorpiaq			
Sisimiut: 551010000- 1601010000- 122010102- 010580	Qaammammusi- kingumoortut	ERP-mi Kisitsisit peerneqarsinnaannginnamik massakkorpiaq			

Allaffeqarfiup naliliinera

Maniitsumi Sisimiunilu Ilaqutariinnermut immikkoortortaq naliliivoq, sapaatip akunnerani ulluni arfineq-marluusuni tamani isumaginninnermi vagtimut bagvagtimit peqartuuppat, isumaginninnikkut vagtimut toqqissisimanermik annertuumik pilersitsissasoq, suliffiup avataani vagtiunermi nalunaarutiginninnerit tiguneqartut pinartumik suliarineqartartussaammata, kiisalu sapaatit akunnerisa naaneriinnaani pineq ajortuusunik meeqqanik inuusuttunillu inissiinerni isumaginninnikkut vagtiusoq kisimiissanani.

Innersuussut

Sisimiuni Maniitsumilu Ilaqutariinnermut immikkoortortap Atugarissaarnermut ataatsimiititaliamut innersuussutigaa

- Ataasinngornermi ualikkumiit tallimannngornikkut ullaakkumut isumaginninnikkut vagtimut bagvagtimit piffissamut 01/03-31/12/2020-mut 220160,00 koruuninik kiisalu missingersuut ukiullu 2021-2023 immikkut aningaasaliisoqarnissaa pillugu qinnuteqaat pillugu paasissutissiissut tusaatissatut tiguneqassasoq
- Ataasinngornermi ualikkumiit tallimannngornikkut ullaakkumut isumaginninnikkut vagtimut bagvagtimit piffissamut 01/03-31/12/220-mut kiisalu missingersuut ukiunullu 2021-2023 220160,00 koruuninik immikkut aningaasaliissuteqartoqarnissaa pillugu qinnuteqqaammik suliaq Aningaasaqarnermut ataatsimiititaliamit akuerisassanngorlugu ingerlateqqinneqarnissaa tusaatissatut tiguneqassasoq
- Tamatuma kingorna ataasinngornermi ualikkumiit tallimannngornikkut ullaakkumut isumaginninnikkut vagtimut bagvagtimit piffissamut 01/03-31/12/2020-mut kiisalu missingersuut ukiunullu 2021-2023 220160,00 koruuninik immikkut aningaasaliissuteqartoqarnissaa pillugu qinnuteqaat kommunalbestyrelsimit akuerisassanngorlugu ingerlateqqinneqarnissaa tusaatissatut tiguneqassasoq

Aalajangiineq

Innersuussut akuersissutigineqarpoq. Aningaasaqarnermut ataatsimiititaliamut aammalu Kommunalbestyrelsimut akuerisassanngorlugu ingerlateqqinneqassalluni.

Ilanngussat

1. Isumaginninnikkut vagtip ilisimasassai malitassaalu
2. Allakkiaq – bagvagi – Maniitsoq
3. Allakkiaq – bagvagi – Sisimiut

**Imm. 05 Innarluutilinnut tunngasuni inatsit nalunaarullu nutaat pillugit paasissutissiineq
Qeqqata kommunia.**

Journalnr. 47.00

Tunuliaqutaq

2019-imi juunip aqqaneq-aappaani inuit innarluutillit tapersorsorneqarnissaannut inatsit nutaaq Inatsisartut akuersissutigini kuuat, taannalu 2020-mi januaarip aallaqqaataani atuutilissalluni. Tamatuma saniatigut 2019-imi novembarip sisamaani inuit innarluutilit tapersorsorneqarnissaannut nalunaarut aammattaaq Inatsisartut akersissutigini kuuat, taanna aammattaaq 2020-mi januaarip aallaqqaataani atuutilissaaq.

Maleruagassatigut tunngavigisaq

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq.

Annertuumik innarluutillit ikiorserneqartarnerat pillugu Namminersorlutik Oqartussat nalunaarutaat nr 18 4 november 2019-imeersoq

Pissutsit atuuttut

Inuit innarluutillit tapersorsorneqarnissaannut Inatsisartut inatsisaat nalunaarutaallu nutaat pillugit 2019-ip ingerlanerani kommunini tusarniaasoqarnikuuvoq, taakkunungalu marluusunut tusarniaanermi akissuteqaatissamik Ilaqutariinnermut immikkoortorta q suliaqarnikuuvoq, Ilaqutariinnermut Isumaginninnermullu ataatsimiititaliaanikuusumik saqqummiunneqarnikuusumik.

Decembarip ingerlanerani inatsimmik nalunaarummillu nutaamik ulluni marlunni saqqummiisoqarnikuuvoq malitsigisaanillu pisortaanernut, pisortanut, immikkoortuni aqutsisunut sullissisunullu Nuummi ulluni marlunni pikkorissaasoqarnikuulluni.

Maniitsumiit Sisimiuniillu katillugit tallimanik Qeqqata Kommunia peqataatitaqarpoq.

2020-mi februaarimi sapinngisamik amerlanerpaamik suliaqarfimmi sulisunik Isumaginninnermut aqutsisoqarfik Sisimiuni pikkorissaassaaq, taamaalilluni inatsimmik nutaamik suliaqartussaasunut sapinngisamik amerlanerpaanut inatsit nalunaarullu nutaat ilisaritinneqarsinnaaniassammata.

Atuilluartaunissakkut kingunerisinaasai

Innarluutilinnut tunngasuni maannakkut inatsimmik nutaamik peqalernera atuilluartauneruvoq, taamaalillutik inuit innarluutillit ulluinnarminni pitsaanerpaamik atugassaqartinneqarniassammata. Inatsillu nutaaq ima suliaavoq, FN-ip innarluutillit pillugit isumaqatigiissutaanut eqqarsaatiginnittuulluni.

Aningaasaqarnikkut allaffissornikkullu kingunerisinaasai

Matumani paasissutissiinermi aningaasaqarnikkut allaffissornikkullu kinguneqaatissaqanngilaq.

Allaffeqarfiup naliliinera

Innarluutilinnut tunngasuni inatsit nutaaq malillugu sulinissaq Maniitsumi Sisimiunilu Ilaqutariinnermut immikkoortortat qilanaarput, aammalu inatsit nutaaq inunnut innarluutilinnut tamanut tunngassuteqarmat, sapinngisamik piaartumik suliaqartat qanoq agguataarneqassanersut pilersaarusiortoqassalluni.

2019-ip naaneranut inunnut annertuumik innarluutilinnut inatsit inatsisaanikuuvoq. Innarluutilinnut immikkoortumi sulisut amerlanerusut sulilersinneqassanersut Ilaqutariinnermut immikkortortap nalilertussaavaa.

Innersuussut

Ilaqutariinnermut immikkoortortap Atugarissaarnermut ataatsimiititaliamut innersuussutigaa

- Innarluutilinnut tunngasuni inatsit nalunaarullu nutaat pillugit paasissutissiissut tusaatissatut tiguneqassasoq

Aalajangiineq

Innersuussut tusaatissatut tiguneqarpoq

Ilanngussat

1. Inuit innarluutillit tapersersorneqarnissaannut Inatsisartut inatsisaat nr. 13, 12 juni 2019-imeersoq kal aamma qall
2. Inuit innarluutillit tapersersorneqarnissaannut Namminersorlutik Oqartussat nalunaarutaat nr. 18, 4. november 2019-imeersoq kal.da

Imm. 06 Ataatsimiititaliamut Ilaqutariinnermullu immikkoortortamut taaguutissatut siunnersuuteqartitsinissamik unammisitsinermi aalajangiineq. Qeqqata kommunia.

Journalnr. 12.00

Tunuliaqutaq

2019-imi upernaakkut Ilaqutariinnermut Isumaginninnermullu ataatsimiititaliaq ataatsimiinnermini siunnersuuteqarpoq, ataatsimiititaliamut immikkoortortamullu nutaamik taaguutissamut unammititsinermik aallartitsisoqassasoq.

Tamatuma saniatigut 2019-imi maajip 29-ani kommunalbestyrelsip ataatsimiinnermini tamanna aamma aalajangiiffigivaa.

Sivdlekk-mmi taaguutissamut unammisitsinermik ingerlatitsisoqarnikuvoq.

Maleruagassatigut tunngavigisaaq

Eqqaasassaqaanngilaq

Pissutsit atuuttut

Ilaqutariinnermut Isumaginninnermullu ataatsimiititaliaasimasumi ilaasortaanikup Malene Ingemann-imit siunnersuutigineqarpoq, Ilaqutariinnermut Isumaginninnermullu ataatsimiititaliaq immikkoortortarluni qanoq taaguuteqarnissaanik unammisitsinermik aallartitsisoqarsinnaasoq.

Ataatsimiititaliap taaguutaani isumaginninnerup ilaanera patsisaalluni pitsaanngitsutut isigineqarsinnaammat, unammisitsinissaq siunnersuutigineqarpoq.

Qeqqata Kommuniani aaqjissuussaannikkut allannguisoqartussaananeratik, siusinnerusukkat Ilaqutariinnermi Isumaginninnermilu ataatsimiititaliaq Atugarissaarnermut ataatsimiititaliamik taaguuteqalerpoq, taamaallunilu unammisitsinerup aallartinneqaannginneraniilli ataatsimiititaliap taaguutaa allanngortinneqarpoq.

Taaguutissamut unammisitsisoqarnissaanik aalajangiisoqarmat, ataatsimiititaliaq allamik taaguuteqalereeraluartoq, taaguutissamut unammisitsisoqarnissaanik borgmesteri aalajangiivoq.

Sisimiuni Qeqqata Kommuniani Pisortaanerup sulisui Sivdlekk-mut Nipi-mullu sapaatip akunnerini 46-mi 47-milu ilanngussamik ilanngussaqaqput, unammisitsinermullu siunnersuutiniq tunniussinissamut 2019-imi novembarip 15-ianut killeqartitsisoqarluni.

Tamatuma saniatigut Qeqqata Kommuniat Facebook-ikkut quppersagaanut ilanngussamik ikkussisoqarpoq, tamannalu inunnit 3.200-t missaanit takuneqarluni.

Siunnersuutit katillugit 36-t tunniunneqarput, taakkulu ilanngussatut ilanngunneqarlutik.

Atuilluartuunissakkut kingunerisinaasai

Oqaaseqaatissaqaanngilaq.

Aningaasaqarnikkut allaffissornikkullu kingunerisinaasai

Siunnersuuteqartunit ajugaasumut 1.000 koruuninik eqqugaasqaqartitsisoqarpoq.

Tamatuma saniatigut suliniummut matumunnga allanik aningaasaqarnikkut allaffissornikkullu kingunissaqanngilaq.

Allaffeqarfiup naliliinera

Maniitsumi Sisimiunilu Ilaqutariinnermut immikkoortortat naliliipput, taaguutissatut unammisitsinermi aalajangiineq, ataatsimiititaliami ilaasortanit aalajangiiffigineqassasoq.

Innersuussut

Ilaqutariinnermut immikkoortortap Atugarissaarnermut ataatsimiititaliamut innersuussutigaa

- ataatsimiititaliap immikkoortortallu taaguutaanik allannguisoqassanersoq aalajangiisoqassasoq
- ataatsimiititaliap immikkoortortallu taaguutaanik allannguisoqassappat, siunnersuutaasunit 36-usunit taaguutissamik toqqaasoqassaaq

Aalajangiineq

Innersuussummi amerlanerusuteqartut toqqarpaat “Atugarissaarnermut ataatsimiititaliaq”, aammalu “Atugarissaarnermut immikkoortortaqarfik”. Tusagassiuutitigut nalunaarutigineqarumaarpoq ilisimatitsissutigineqarluni. Suliaq ilisimatitsissutitut Kommunalbestyrelse-mut ingerlateqqinneqassaaq.

Ilanngussat

1. Sivdleq-mi Nipi-milu ilanngussat, kal aamma qal
2. Innuttaasunit siunnersuutit tiguneqarsimasut allattorsimaffiat kal

Imm. 07 Tamalaat

Sofie Dorthe R. Olsen aammalu Erik Jensen ataatsimiititaliami ilaasortatut nutaatut, Maniitsumut tikeraalarlutik sullissisut sullitallu naapilaarlugit.

Hans Frederik Olsenip akissuteqarfigaa. Ataatsititaliaq martsimi Maniitsumi ataatimiinnissaa aaliangerneqarnikuusimavoq siusinnerusukkut. Taannalu imaqarniliami takuneqarsinnaavoq.

Qallunaat Justitsministerie-mit, Isumaginninnermut Aqutsisoqarfimmit kiisalu Social-og Indenrigsministerie-mit tikeraartoqarneq.

Qeqqata Kommuniani Sisimiut januaarip 13-ianit 15-ia tikillugu, Qallunaat nunaannit meeqqat inuusuttullu immikkoortortaqqarfianit ikiorneqarnissamut tunngatillugu, qallunaat-kalaallit allatseqarfiinit kiisalu aqutsisoqatigiivianit ilaasortat aqqaneq- marluusunit tikeraarneqarpoq, tassani ukiunut arlalinnut Kalaallit Nunaannut 80 mill. koruuninik qallunaat tungaanit aningaasaliissutigineqarlutik.